



ТАҒЫМ МЕН ТАҒЛЫМ

Қазақтың қасиретті жылдар тарихында лайықты орны бар азамат - Сабыр Айтқожин. Ол 27 жасында алғашқы баспасөздің Кеңес заманындағы алғашқы қарлығаштарының бірі «Бостандық туы» газетін шығарды. Алматыда «Тышп» газетінің редакторы болды. Кейін республикалық, облыстық, аудандық деңгейде белді-белді мемлекеттік қызметтер атқарып, ел мүддесі жолында аянбай еңбек етті. Алайда, ол жазықсыз жапа шеккізген зұлмат заманның құрбанына айналды. 1938 жылы атылып, Шымкент түбіндегі «Албастысайдың» азалы тізімінен орын алды. Биыл мемлекет және қоғам қайраткерінің туғанына 120 жыл толып отыр.

Сондай-ақ, белгілі күйші-композитор, өнер қайраткері Жаппас Қаламбаевтың немерелес туысы, жалған айыппен он жыл бойы айлауда болып, тағдыр тақыретін аяусыз тартқан, елге аман-есен оралып, сексенінші жылдардың ортасында дүниеден озған Аппаз Қаламбаевтың туғанына - 115 жыл. Міне, осы екі датаға орай Оңтүстік Қазақстан облыстық саяси қуғын-сүргін құрбандары мұражайының ұжымы студенттер мен мектеп оқушыларын, мұрағат қызметкерлері мен тарихшыларды, марқұмдардың жақын ағайын-туыстарын шақырып, іс-шара өткізді.

Мұражайдың ғылыми қызметкерлері келушілерге Сабыр Айтқожин мен Аппаз Қаламбаевтың өмірбаяны мен қызметі туралы қысқаша баяндап берді. Олардың сөздерін сұрқай кезеннің сипатын жан-жақты ана отырып, М.Әуезов атындағы ОКМУ-дің аға оқытушысы, тарихшы

Гауһарбек Тілеуқұлов пен облыстық мұрағаттың археографы Райгүлі Хазретеліқызы толықтырды. Іс-шараға жиналғандар С.Айтқожиннің немере келіні Бибі Уәлиқызы мен А.Қаламбаевтың ұлы Шораның айтқандарын зейін қоя тыңлады. Шымкент қаласындағы жастардың уақытын тиімді ұйымдастыру орталығындағы «Шешендік өнер» үйірмесі шөкірттерінің композициялық қойылымдары да көпшіліктің көңілінен шығып жатты.

- Бұл біздің биылға белгіленген жоспарымыздағы кезекті іс-шаралардың бірі. Мақсатымыз - өткен тарихымызды тануға, оның ақтандақ беттеріне назар аудартып, жас ұрпақтың бойына ақиқат пен әділеттілікті сезінудің асып-денін енгізе беру, - дейді облыстық саяси қуғын-сүргін құрбандары мұражайының директоры, Қазақстан Республикасына еңбегі сіңген қызметкер, халықаралық «Алаш» сыйлығының лауреаты, ақын Ханбibi Есенқарақызы.

Өз алдына жеке шаңырақ көтергеніне жуырда он төрт жыл толатын осы мұражайдың облыс өмірінде, жас ұрпақтың санасын қалыптастыруда маңызы ерекше. Өйткені, ол отаршылықтың езгісінде жан-шылған қазақтың зиялы қауым өкілдерінің жан дүниесін, мақсат-мұрағын жете түсінуге, олардың қайтпас-қайсар рухтарына бас иіп, тағзым етуге, сол бір қасиретті жылдардан тағлым алуға қызмет ете берелі.

*Сұхбаткері ОРАЗАЛЫҒҰЛЫ,
Қазақстан Журналистер
одағының мүшесі.*